

# Guangjisi Minzcu Bau

ganhhau: CN45-0036 B.2017 Nd.1 Ng.11 liggaueq bingjsaen nienz ndwenlab cibseiq

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3257期

## Guengjsae Minzcunghvej Haenqrengz Bangfuz Hwngfat Gunghyibinj Fwngzguh Siujsoq Minzcuz

### 广西民宗委大力扶持少数民族传统手工艺品发展

Guengjsae Minzcunghvej gig yawjnaek hong baujhoh caeuq hwngfat gunghyibinj fwngzguh siujsoq minzcuz, gaenh sam bi neix daeuj gungh bued roengz ngaenzcienz 600 fanh maenz, cujyau yungh guh bangfuz dajsan, dajsiuq buhvaq ndangdaenj siujsoq minzcuz Cuengh, Yauz, Myauz, Dung daengj, guh doxgaiq yisuz vwnzva siujsoq minzcuz aennyenz, aenvenz, gang' vax daengj caeuq yungh nywj, faexndoeck, gau daengj fwngz san doxgaiq siujsoq minzcuz daengj.

It dwg bangfuz gij giyez guh

gunghyibinj fwngzguh siujsoq minzcuz miz itdingh gveihmoz caeuq saedlig haenx haifat, senhconz doigvangq, son'gyauq dinfwngz, swnggaep gaj-cauh gisuz.

Ngeih dwg caeuq hagdangz, cizeyz gyauyuz gihgou nem gij giyez guh doxgaiq minzcuz yungh seizneix miz haenx doxgap, comz vunzlai siujsoq minzcuz dangdieg roxnaeuz bouxguh hong fwngzguh haiguh son-gyauq dinfwngz fwngzguh.

Sam dwg dawz hong baujhoh caeuq hwngfat aenmbanj siujsoq

minzcuz miz daegsaek dox giethab, anbaiz ngaenzcienz yungh de bangfuz hwngfat guh caeuq siugai gij buhvaq, ndangdaenj aenmbanj siujsoq minzcuz miz daegsaek, daezsang canjbinj binjeiz, gya'gvangq roenloh souhaeuj vunzlai.

Seiq dwg sonyinx giyez camgya gvendaengz hoih baijgai nem ngoenzcienz angqhoh hozdung, doeng-gvaq senhconz doigvangq gaisau, gyalai gij yingyangliz doxgaiq fwngz-guh siujsoq minzcuz.

(Dwng Sihyenz/邓诗源)

## SIUSIK DINJ

### 简讯

● Yaek daengz cieng lo, vih caenh' itbough gyalai guenleix bauqva bauqreng, gveihfan hawciengz gaicawx bauqva bauqreng, fuengzre caeuq gemjnoix fatseng gij gojsaeh bauqva bauqreng, cietsaed baujcaug vunzlai sengmingh ngaenzcienz ancienz. Mboengqneix Cingsih Si Vadung Baijcuozsoj doiq 20 lai aen dieg gai bauqva bauqreng dieg guenleix guh ancienz genjcaz, siu bae gij huxndumj mbouj ancienz.

(Vangz Anhcungh)

● Sanhgyangh Duncuz Swciyen bi 2009 dawz Liengzgouj Yangh Nanzcai Cunh Mbanjliengzli 20 lai hoh vunzmbanj daj gyang bya senj daengz henz roenguek, caemhcaiq aeu Mbanjdung moq dajcauh baenz comz minzsuz daejniemh, daegsaek dieg gwnhaeuz nem youqndwi ep bya daengj guh itheij, hawj baenz dieggingj youqndwi swnghdai lajmbanj lijyouz dox giethab he, bang beixnuengx Duncuz vut gungz baenz fouq.

(Vangz Yaubangh)

● Mboengqneix, Nanz-danh Yen Bazhih Yauzcuz Yangh Yauzcai Cunh aen cungsim cawqleix nyapnyaj cunh gaep haihong. Ciuq cam rox, aen gunghcwngz neix bued roengz 130 fanh maenz ngaenz, gujsuenq ndwen 4 guhsat. Hwnjguh dieg cawqleix nyapnyaj yaek gajndeij gij vanzging veiswnggh diuzgienh Yauzcai Cunh, Gvanhsih Cunh, Dangzlang Cunh, Bazhah Cunh gungh 1000 lai hoh aen yangh neix.

(Moz Gijcauh)

● Gaenh bi neix daeuj, Duh'anh Yauzcuz Swciyen yungh ndei minzcuz cwngcwz dangj, ndaejdaengz gak gaep dangjvej, cwngfuj haenqrengz hauejcoengh, goengloh lajmbanj guh ndaej vaiq, lajmbanj gyaudoeng diuzgienh ndaej gajndeij yienhda, vunzlai Byayauz hix byaij hwnj le diuz roen hwngfat riengjvaiq. Seizneix, goengloh lajmbanj aen yienh neix diegdieg cunji doeng, rengzrdw coicaenh lajmbanj hwngfat, hawj boux-guhnaz ndaej laisou.

(Lanz Fuzvanh)

## Yungzsuij: Cingz Raeuj Lwghag Siujsoq Minzcuz

### 融水: 情暖少数民族学子



1 nyied 6 hauh, Liujcouh Siveij Cuj-cizbu caeuq 28 aen "song moq" cujeiz youq Dalang Cin Dasinh Mbanjmyauz aen yienh neix banh gien cienz banghag hainduj yizsi. Gien-soengq saw, bitmaeg nem diyzuz doxgaiq daengj hawj 72 boux lwghag siujsoq minzcuz Myauzcuz, Yauzcuz daengj, caemhcaiq ok cienz daih' iek 29 fanh maenz laebdaeb 3 bi bangcienz 300 lai boux hagseng gungz-hoj doeg daihhag, cungh siujyoz, bang-rengz cingcinj vut gungz. Ndaw doz dwg boux guhhong fat cienz hawj lwghag siujsoq minzcuz.

(Lungz Linzei/龙林智)

## Bahmaj Densangh Bangrengz Doi Cingcinj Bangfuz

### 巴马电商助力精准扶贫

1 nyied 7 hauh, Bahmaj Yauzcuz Swciyen Yendung Cin Dunczhoz Cunh Yenz Hungzcu bouxfucwz "diemj fugsah Dunczhoz Cunh aen gungh-cwngz Guengjsae denswj sanghvu hauej lajmbanj" cingq youq gwnz muengx gaicawx doxgaiq.

Ciuq cam rox, diemj fugsah Dunczhoz Cunh daj 2015 nienz 9 nyied cingqsik hainduj daeuj, seizneix gaenq caeuq daengx guek gak dieg gaicawx gak cungj doxgaiq, daegbied dwg coh diegrog gai biek Bahmaj, maenz

Bahmaj, cazyouz bya Bahmaj daengj dujdwcancj Bahmaj cungjgeg gaenq daengz 20 fanh maenz ngaenz, gaenq baenz aen bingzdaiz youqgaenj bek-singq dangdieg coh diegrog siugai dujdwcancj Bahmaj he.

Gaenh bi neix daeuj, Bahmaj dangjvej cwngfuj gaemdawz seizheiq dangguh Guengjsae gungsiuhse cungh-hoz sawqdiemj danhvei nem aen yienh guhyienh gyongjyoeb hwnjguh daengx guek denswj sanghvu hauej lajmbanj, gaenxmaenx doicaenh caeuq sonyinx

denswj sanghvu hauej lajmbanj gunghcwngz, bangrengz hong cingcinj vut gungz. Daengz 2016 nienz daej, gaenq gyoebseueng bued roengz 2000 lai fanh maenz ngaenz, hwnjguh boiqsoengq caeuq gyongjyoeb fugsah vangjloz, saedyienh daengx yienh 60% doxhwnj yanghein gungzhoj ndaej yungh denswj sanghvu siugai dujdwcancj dangdieg, caemhcaiq cugyamq byaij coh mbanj gungzhoj, bangrengz cingcinj bangfuz.

(Liengz Sauwnh/梁绍恩)